



## **NOTIS PILIHANRAYA MAJLIS PERWAKILAN PELAJAR (MPP)** **(Sesi 2024/2025)**

Dimaklumkan bahawa Majlis Perwakilan Pelajar UPTM bagi Sesi 2023/2024 adalah dibubarkan berkuatkuasa 19 Ogos 2024 setelah Jawatankuasa Pilihanraya Universiti bersidang bagi menjalankan Sesi Pilihanraya Majlis Perwakilan Pelajar Sesi 2024/2025.

Berikut adalah Panduan & Peraturan berkaitan Pilihanraya Majlis Perwakilan Pelajar bagi Sesi 2024/2025.

### **1. Keahlian Majlis Perwakilan Pelajar**

Keahlian MPP bagi Universiti Poly-Tech Malaysia adalah berjumlah DUA BELAS (12) orang termasuk Presiden.

Permohonan boleh dibuat dengan mengisi **Borang Pendaftaran Calon Pilihanraya MPP (BHEP.GP.02.01A-01)** yang boleh didapati di Bahagian Hal Ehwal Pelajar UPTM mulai 20 Ogos 2024.

Pautan Google Form : <https://forms.gle/R6FJr2FHWE1pGotF8>

### **2. Senarai Jawatan EXCO Yang Dicadangkan:**

- a) Presiden
- b) Timbalan Presiden
- c) Setiausaha
- d) Bendahari
- e) EXCO Keusahawanan
- f) EXCO Kebudayaan & Kesenian
- g) EXCO Pembangunan Insaniah & Akademik

- h) EXCO Kebajikan
- i) EXCO Sukan dan Rekreasi
- j) EXCO Kediaman
- k) EXCO Media & Komunikasi
- l) EXCO Tugas-Tugas Khas

**3. Tarikh Penting Serta Maklumat Ringkas Pilihanraya Majlis Perwakilan Pelajar Universiti Poly-Tech Malaysia Sesi 2024/2025.**

**i. Mesyuarat Jawatankuasa SPR Universiti.**

19 Ogos 2024 (Isnin)

**ii. Pembubaran Kabinet MPP Sesi 2023/2024 – pihak universiti dikehendaki mengeluarkan notis pembubaran.**

19 Ogos 2024 (Isnin)

**iii. Penamaan Calon.**

20 Ogos 2023 (Selasa) – 25 Ogos 2024 (Ahad)

**iv. Pengesahan Calon.**

26 Ogos 2024 (Isnin)

**v. Tempoh Berkempen.**

27 Ogos 2024 (Selasa) – 29 Ogos 2023 (Khamis)

**vi. Pilihanraya.**

30 Ogos 2024 (Jumaat)

**vii. Pengumuman Keputusan Pilihanraya.**

30 Ogos 2024 (Jumaat)

**4. Syarat- Syarat Umum Kelayakan Menjadi Calon**

- a) Pelajar yang mendaftar pengajian secara *mode* sepenuh masa.
- b) Sedang mengikuti pengajian dan berstatus Aktif (semasa) di Semester 2, 3 atau 4 bagi pelajar Diploma/Profesional; dan Semester 1 (Lepasan Diploma) hingga 6 bagi pelajar Ijazah.
- c) Mendapat sokongan daripada pihak Fakulti (Ketua Jabatan/ Dekan/ Timbalan Pengarah Akademik/ Mentor/ Penasihat Akademik)

- d) Mempunyai CGPA/ PMK tidak kurang daripada 2.50 bagi pelajar Diploma/Ijazah atau 50% bagi pelajar Program Profesional.
- e) Tidak pernah dikenakan sebarang tindakan disiplin/ tatatertib.
- f) Ahli Jawatankuasa kelab/persatuan pelajar adalah digalakkan untuk memohon.

## 5. Panduan Umum Pemilihan MPP

Universiti Poly-Tech Malaysia akan melaksanakan Pilihanraya MPP **secara online melalui Mod Terbuka (Open Mode)**

- 5.1 Pemilihan MPP secara *Open Mode* merupakan pemilihan MPP yang dipertandingkan secara terbuka di mana calon tidak dipertandingkan mengikut jawatan atau exco MPP tertentu yang akan ditetapkan oleh Jawatankuasa Pilihanraya.
- 5.2 Calon yang **meraih undian tertinggi dalam Pilihanraya** akan disenaraipendek bagi menduduki **Jawatan Utama MPP iaitu Presiden, Timbalan Presiden, Setiausaha dan Bendahari**. Penentuan Jawatan Utama MPP tersebut berhak dipertimbang oleh Timbalan Naib Canselor (HEPA) berdasarkan kredibiliti atau kecenderungan tertentu calon. Manakala penentuan jawatan bagi exco MPP yang lain adalah berdasarkan persetujuan bersama di kalangan calon yang bertanding.
- 5.3 Jika jumlah calon MPP yang bertanding kurang daripada 12 orang, pihak HEPA hendaklah mengemukakan nama-nama yang sesuai/ layak kepada Pengerusi Jawatankuasa Pilihanraya untuk dipertimbangkan menjadi anggota Majlis Perwakilan Pelajar.

## 6. Peraturan Berkempen

### 6.1 Hubungan Dengan Pihak Luar

Setiap calon atau wakil calon haruslah memastikan bahawa mereka tidak mempunyai apa-apa hubungan dengan pihak luar universiti bersabit dengan Pilihanraya Pemilihan MPP ini.

### 6.2 Pidato Umum dan Kempen

- 6.2.1 Calon atau wakil calon dibenarkan menyampaikan pidato umum bagi memperkenalkan calon-calon yang bertanding di media sosial yang bersesuaian seperti Whatsapp, Instagram, Facebook, Twitter, Youtube, atau laman web khas yang disediakan oleh pihak UPTM. Tempoh berkempen akan ditetapkan oleh Jawatankuasa Pilihan Raya



Universiti. Calon perlu memaklumkan kepada pihak Jawatankuasa Pilihanraya Universiti mengenai butiran kempen **sebelum** ianya dijalankan melalui platform media sosial.

6.2.2 Calon atau wakil calon hanya dibenarkan menyampaikan pidato umum /kempen secara individu untuk menjelaskan visi kepimpinan peribadi ke arah kebajikan mahasiswa tanpa mengaitkan Pilihan Raya Majlis Perwakilan Pelajar ini dengan mana-mana pihak yang tidak berkepentingan.

6.2.3 Calon atau wakil calon boleh menerbit, membahagi atau mengedarkan apa-apa dokumen yang berkaitan dengan kempen dalam tempoh kempen yang dibenarkan sahaja.

## 7. Bahan Kempen

7.1 Calon atau wakil calon boleh menerbitkan poster calon, manifesto atau hal berkaitan visi dan misi calon. Ia boleh diedar dan dipaparkan oleh calon atau wakil calon melalui aplikasi Whatsapp, Instagram, Telegram, Facebook, Twitter, Youtube, atau laman web khas yang disediakan oleh pihak UPTM dalam tempoh berkempen yang akan ditetapkan oleh Jawatankuasa Pilihan Raya Universiti.

7.2 Calon-calun yang layak bertanding akan **diberikan peruntukan ATAP sebanyak maksimum RM100.00 seorang** bagi tujuan berkempen.

## 8. Peringatan: Kesalahan-Kesalahan

8.1 Calon-calun yang bertanding atau wakil calon adalah dikehendaki juga mematuhi Buku Panduan & Peraturan Tatatertib Pelajar UPTM yang sedang berkuatkuasa.

8.2 Semua calon adalah dilarang sama sekali menyentuh isu-isu sensitive, sentiment perkauman, agama & institusi Diraja (3R) dalam melaksanakan kempen.

8.3 Calon dilarang untuk melakukan kesalahan 'jenayah' atau 'sivil' yang bercanggah dengan pihak berkuasa sepanjang tempoh kempen. Jika calon melakukan kesalahan tersebut, adalah menjadi tanggungjawab calon sendiri.

Disediakan Oleh:

Jawatankuasa Suruhanjaya Pilihanraya UPTM  
Bahagian Hal Ehwal Pelajar & Alumni  
Universiti Poly-Tech Malaysia